

興義府志卷六十三目錄

列傳 孝友傳

邵元吉

王守謙

洪遇

宋諍

宋予忠

梁九錫

支美瓊

王潤

張大志

張一熊

宋懋功

鄭殿颺 周武附興

王瓚

鍾華

張玉衡

龍英贊

易登岱

徐國安

興義府志

卷六十三 目錄

陳之萃

李淳 附弟淑

周謙 弟諫誦誠謚讓

楊義賢

景震 附弟雯

景仰

劉思聰

陳啓麟

陳大福

張夔

王崇仁 弟興

江同璧

景鴻春

顏錦章

劉光泰

許鶴齡

周世榮

李長林 弟茂附長

楊學海

興義府志卷六十三

興義府知府張鏌纂修

列傳

孝友傳

色養。孝也。顯親亦孝也。此撰志者。可立傳。而以之教孝者也。至割肝割股。雖不得謂之非孝。然在人子。以此自盡其孝心。則可。而撰志者。以此教孝。則不可。今立孝友傳。傳其可以教孝者。友于兄弟者。間附焉。至割肝割股。及孝友之可節取者。別列于表。傳孝友。

邵元吉

明邵元吉。普安人。天性孝友。博通經史。應嘉靖庚子鄉試。第一場畢。聞行路人私語曰。重慶邵郡丞病。郡丞者。元吉父也。元吉疾趨。問語

興義府志

卷六十三

孝友傳

一

賈陽文通書局代印

所由來。行人漫應曰。得之傳聞。未確。元吉心怦怦。急入旅舍。束裝倍道行。同試士勸止之。不聽。至重慶。父已沒。哀毀骨立。匍匐扶櫬歸。經播州。遇虎。同行入令避茅屋中。元吉泣下。弗忍離父柩。虎竟去。人以爲孝感。鄰家火延其廬。元吉左手抱父木主。右手掖母出。再入。取圖書曰。有先人手澤在。取之出。火亦旋息。後應歲貢入都。時仲弟元善。謫通州郡丞。元吉就通視弟。不語不食。時泣數行下。弟問故。曰。我思母。卽欲歸。不願仕也。且有我奉母。爾始得安心于仕。卽棄牒歸。母思子致病。見之喜。病遂愈。元吉以母病故。善岐黃。弟元善。元哲。元高。先後登科第。悉元吉教之也。孫文恭應鼇。爲作邵隱君傳。見通志

王守謙

明王守謙。安南人。至性過人。家貧。貿薪以養父母。甘旨罔缺。父卒。母

病扶掖不離左右。萬歷三十年。提學表其門曰。純孝。見安南志

洪遇

明洪遇。普安之棘人也。事祖母孀母極孝。雖貧寒。奔走衣食。而奉養必求飽煖。菽麥精者。奉祖母及母。粗者自給。一菜蔬亦必先進。院道俱獎勵之。見通志

宋諍

明宋諍。安南人。生員。父卒於京。諍扶櫬歸葬。哀感路人。事母孝。事兄恭。兄無子。為之納妾。鄰有乏者。頻周之。巡按沈均表其門。以下見安南志

宋予忠

明宋予忠。安南人。生員。性至孝。應貢。以遠親辭不就。母王氏。年九十。三。予忠年七十。定省不衰。巡按表其門。

興義府志

卷六十二

孝友傳

二

貴陽文通書局代印

梁九錫

明梁九錫。安南人。幼孤。善事其母。以保薦授主簿。不忍離其母。遂辭之。

支美瓊

明支美瓊。普安人。生員。古貌古心。操守嚴肅。孝繼母。友愛異母弟。無戲言惰行。遇人。輒以道義勸勉。不匿遺金。萬歷間。督學凌瑄。以喻義表其門。見通志

王潤

明王潤。安南人。父卒于京。母遺腹生。幼有至性。孝養其母。母病。祈天願以身代。已而病愈。居數年。母卒。哀毀特至。有司屢加獎異。年九十。

始卒。以下見安南志

張大志

明張大志。安南人。拔貢生。性誠篤。事寡母。溫席侍膳。無違左右。母卒。寢苦枕塊。哀禮備至。邑人稱之。

張一熊

明張一熊。安南人。貢生。親老。除官不就。母卒。泣慕。幾喪明。事父。益不離左右。丁亥年。與其父。同死於孫可望之亂。

宋懋功

明宋懋功。安南人。生員。少孤。事母鄧氏。以孝聞。孫可望破安南。懋功負母逃。爲賊獲。皆死。

鄭殿颺

武興周附

鄭殿颺。安南人。康熙貢生。工文。性孝友。家貧。授徒於家。以養其親。恒

興義府志

卷六十二

孝友傳

三

賈陽文通書局代印

負薪汲水。親炊以進父母。弟子修金。悉獻父。不令妻子知。父母分予昆弟及族鄰。殿颺承志。恬如也。父母卒。哀擗孺慕。廬墓三年。喪畢。四時祭。蠲潔盡誠。提學表其門。武興周。亦安南人。康熙貢生。剛方篤實。養親辭選。亦孝子也。

王瓚

王瓚。安籠人。年十五。孤。母孀居。有弟三。皆幼。瓚有至性。事母甘旨罔缺。已而家日落。乃務農服賈。數年。遂豐財。使其三弟皆就學。學成。咸隸學籍。弟妹婚嫁。必從厚。體親心也。母壽八十有九。事之如一日。後分產授諸弟。怡怡然以終其身。有司表其廬。以下見舊志

鍾華

鍾華。字繡之。南籠北街人。生員。年十二。孤。事母李氏。事異母二兄。以

孝友聞。甘旨之餘。有異味。必與二兄共。無何。二兄咸卒。華視其子。無殊己子。教之成名。並隸學籍。又購地於東門外。爲義冢。郡人稱其義。雍正四年。通判金訪。表其閭。曰孝友。八年。提學晏斯盛。又表其門。曰友于足式。

張玉衡

張玉衡。南籠北街人。幼有至性。七歲喪父。一慟幾絕。及葬。依墓不忍歸。人咸異之。家貧。母楊氏守志。寄居族人廬。以紡紝自食。玉衡稍長。自傷無以爲養。乃爲賈。數年。家有餘蓄。甘旨罔缺。乃使其兩弟就學。及弟玉振。以能文隸學籍。貢成均。而母已衰老矣。母疾。玉衡衣不解帶。侍湯藥。爲母請於朝。得旌表。母年七十卒。玉衡哀號幾絕。如七歲喪父時。喪畢。兄弟不異產。

興義府志

卷六十二

孝友傳

四

賈陽文通書局代印

以終其身。族鄰有乏者。輒周之。乾隆二十三年。有司以孝友表其門。

龍英贊

龍英贊。安南人。生二歲。父卒。母嫁。英贊依之。已而母隨後夫。去之。邠陽。英贊日夜思之。如是者三十年。先是英贊父。薄有產。母之嫁也。已爲族人耗盡。英贊稍長。理父產。已亡。乃竭力經營。頗能自遂。然以不知母耗。常悵悵。後往邠陽訪母。至則母已卒矣。所適不以禮葬之。英贊負骨歸。葬之安南。與父異兆。邑人稱之。見安南志

易登岱

易登岱。南籠人。母早卒。事父以孝聞。父年九十餘卒。登岱亦衰老矣。誕日。猶孺慕如少時。祭日。猶悲不自勝云。年亦九十七卒。子時熙。舉人。官井陘知縣。以下以撰補

徐國安

徐國安。南籠人。弱冠喪父。哀毀過禮。家貧。事母以孝聞。母之飲食起居。無不先事曲承。母稍不懌。卽率室人長跪求責。母卒。哀毀如喪父。友於其弟國泰。國泰以武力。隸郡武學。與之共營生計。喪母後。兄弟不異居。二人共計北上爲賈。可得贏。國泰欲往。國安曰。而未有子。可居守。吾獨往可也。已而國安至京。畱十二年。乃歸。歸。國泰已生四子矣。頃之。國泰卒。視弟子如己子焉。及其老也。訓子景元。繼父志。無異居。年七十五卒。

陳之粹

陳之粹。貞豐州人。弟之美。於乾隆三十二年。以過誤殺人罪當遣粵。時之粹聘而未婚。之美尙幼。之粹憐之。乃詣州言。已實殺人。不可累興義府志 卷六十二 孝友傳 五 賈陽文通書局代印

弟。知州弗信。爭之力。乃從之。遂釋弟。而罪兄。之粹將之粵。辭婚於廖氏。廖氏女。義不再適。知州聞之。使成婚。從往配所。居一歲。之美省兄於粵。而之粹卒矣。已而之美亦卒。廖氏還其二喪。攜歸一子二女於數千里外。人莫不義之。廖氏年七十餘。乃卒。道光二十五年。知州趙澤遠表其門。嘉之粹友而廖氏貞也。

李淳附弟淑

李淳。南籠人。乾隆中歲貢生。少有至性。事父允中孝。父卒。弟淑幼。方五歲。淳極友愛之。教之讀書。則背負以行。夜則同被。讀弗勤。弗訶責。但涕泣對之。後淑學成。補弟子員。官蔴哈訓導。升黔西學正。淳選都勻訓導。時年已八旬。未之官。卒。淑年八旬。辭官歸。苗警起。乘馬出。保于別寨。一家免難。人咸壯之。淑亦恭於淳。郡人以此交稱之。

周謙

弟諫誠謚讓
詢誦詠附

周謙南籠人生員。兄訪早卒。弟諫誠謚讓。詢誦詠。皆生員。工文。八人咸善事母。苗事急。母楊氏年九十三矣。語諸子曰。吾年老。固將死矣。兒輩當建義破賊。以答

國恩。苦守我。無益也。乃閉門。欲雉經。謙泣諫曰。母若不諱。是兄弟皆不孝子也。焉有不孝子。而能爲忠臣乎。願負母以逃。建義事雖急。然必有人爲之。非兒輩今日最切務也。遂負之逃。逃一里而三遇賊。乃避山洞。令諸弟他逃。而已護母。諸弟皆欲謙逃。卒皆不逃。謙有子紹文。亦諸生也。諸父逼之。逃出而復返者五。俄而苗至。一家八十二口。皆死於火。惟一人逸。語其事於宗族。賊退。宗族收之。謙尙負母於背。郡人莫不哀之。

興義府志

卷六十三

孝友傳

六

賈陽文通書局代印

楊義賢

楊義賢。南籠人。少孤。事母李氏。以孝聞。稍長。聘於桑氏。已而桑氏女失明。辭昏。義賢曰。我不娶。則此女無歸矣。卒娶之。而伉儷甚篤。有子三人。嘉慶初。有苗警。母李氏怯甚。義賢恒拊母。慰之。所居在東門外。爲苗所營地。或勸之逃。義賢曰。棄母而生。生亦何爲。不去。卒與其母死於賊。桑氏及其三子殉焉。

景震弟雯附

景震。字乘剛。景雯。字成章。興義府人。皆官訓導。學生兄弟也。父殿颺。官貴。筑教諭。見文學傳。震雯並孝友。事父母。能先意承志。同補弟子員。食餼。家貧。授經于家。門人互師之。震雯亦互訓之。嘉慶初。郡有苗警。知府觸楹死。二人同上。言于經歷金淳。請出常平倉穀。食壯士。令

守城。凡守城勸捐賑飢召募事。皆二人與官紳共謀之。圍解。總督勒保。將以其名上聞。皆辭。久之。皆貢國子。震選錦屏訓導。雯選玉屏訓導。皆未之官。震于嘉慶十七年卒。雯于十六年卒。二人友愛。至老弗衰。衣食必共。將卒。命同兆葬。子孫咸遵遺言。震雯子皆二。震子壽春。官通州知州。詳鄉賢傳。堯春。官順甯知縣。孫其淦。官荆溪知縣。其澍。官黃平州訓導。其濬。官翰林院編修。雯子冠春。馥春。孫其杰。皆生員。震雯之葬也。門人爲撰墓誌。石葆元。爲撰合傳。一時名公卿。如林文忠公。則徐。陶文毅公。澍。及陳鑾。朱綬。沈兆澧。但明倫。唐鑑。魏茂林。溫予巽。張芾。諸賢。皆有詩文美之。

附文

二景先生墓誌

嘉慶 拔 龔安楫 興義 貢生 府人

二景先生。伯諱震。字乘剛。仲諱雯。字成章。孿生兄弟也。父諱殿颺。字扶雲。官貴筑教諭。兼文武才。兩先生。性孝友。事親能先意承志。生平文行。多相類。弱冠。同補博士弟子員。旋食餼。初扶雲太夫子。自金筑去官歸。宦囊蕭然。兩先生授徒以孝養。循循善誘。郡之知名士。多出其門。几席間。無疾言遽色。然溫厲恭安。仰德容者。不敢違禮法。嘉慶二年。郡苗變。圍城。兩先生與官紳定策守城。城賴以全。總督勒保欲上其功。力辭止之。兩先生文。直入古大家之室。名噪文壇者五十年。乃同試鄉闈者。十有三。屢薦不售。士林惜之。兩先生。同生于乾隆壬戌十一月十九日未時。成章師。卒于嘉慶辛未十二月十一日未時。年七十。乘剛師。卒于壬申七月二十三日卯時。年七十有一。

二景先生傳

石葆元宿松人

興義二景先生。伯曰亨來。諱震。仲曰成章。諱雯。贈奉政大夫貴筑教諭扶雲先生諱殿颺子也。生而穎異。貌無少別。長敦友愛。出入必偕。弱冠偕入黌序。食餼並以文章稱于時。從宦省垣。肄業貴山書院。或以事偶不偕試。同試士戲謂曰。今日來者。伯耶。仲耶。乞相告。毋令人誤呼也。其授徒。則互訓。有貧而可造者。卻贄脯。若龔氏。桑氏。邢氏。陳氏。其最著者。桑陳邢。並望族。貧矣。龔之先。楚人也。以質遷至興義。一身子然。教諭君爲之謀家室。有子六。從兩先生游。舉秀才者三。膺拔萃者一。其他之以束脩來者。皆成其業而去。登賢書者衆。而兩先生同不得志于有司。每試分校者。必力薦。及擯斥。同試之士。亦扼腕太息。兩先生處之。怡然也。嘉慶丁巳春。狎

苗不戢。郡戒嚴。總兵官以下。方赴銅仁營。知府觸楹死。郡僅一經歷。及一百戶官。率數十老弱。勢危甚。兩先生與經歷金淳等。定議募鄉勇。綏難民。捍外靖內。且請啓常平積儲。佐餉不足。則勸捐濟之。兼及賑卹。自正月至閏六月。郡始解嚴。郡中戶口數萬。鮮死傷者。總督勒保。將以勞績上聞。兩先生皆固辭。後同貢成均。就教職。伯選錦屏。仲選玉屏。兩先生笑相謂曰。平生未嘗頃步離。今各有官守。不能相聚。如髻鬢。他日當合葬也。後伯年七十一終。仲年七十終。葬同穴焉。伯有子二。壽春。堯春。仲有子二。冠春。馥春。壽春舉庚午科鄉試。今官江蘇通州知州。

論曰。唐李虛中以生年月日。推人祿位。于是有星命之學。今觀于兩先生。出處顯晦。年齒子姓。無不相似。然則星命之說。果可憑耶。

然稗史載韓蘄王孿生。弟兄否泰相逕庭。又何說焉。固知兩先生之康于其躬。以克啓其後者。由其行誼卓卓。一秉教諭君之訓。內敦乎孝友之實。而外有以澹乎當世之榮利。用能享大年。致令名蔚爲儒者之宗。以世守其家學于弗替也。詩曰。式相好矣。無相訕矣。又曰。教誨爾子。式穀似之。於戲。其有之矣。

二景先生贊

有序

道光舉人朱 綬元和

景亨來先生。景成章先生。孿生弟兄也。容貌性情。靡不相似。其出處行誼。更無不同。同善屬文。同歲舉秀才。同以食餼貢成均。同爲縣學校官。同享上壽以沒。乃至子孫繩繩。數亦無不同者。嘉慶丁巳。狃苗之變。守陴者一經歷。及一百戶官。率數十羸兵。勢危甚。兩先生募鄉勇。備糧食。日偕父老巡徼助守。自正月至閏六月。城得

以固。城中民數萬。無死傷者。事定。總督威勤侯勒保。將上其功于朝。辭焉。杜門講學。里中門弟子。多所造就。而兩先生同困場屋。一選錦屏。一選玉屏。同訓迪多士以學行。亨來先生。諱震。卒年七十一。成章先生。諱雯。卒年七十。兩先生少而友愛。未嘗一日離。其卒也。葬同穴焉。贊曰。

龍山巖峨。鍾雲世族。駢萼敷春。天漿滋沃。譽雋一巽。名齊二陸。孝乎惟孝。內行淳篤。退不違時。進不媚俗。垂老一官。牖人以鐸。昔在潛居。莽有戎伏。風鶴夜驚。撼駭山谷。書生方略。簡練心腹。二百餘日。糗糒咸足。堅城如山。免是荼毒。功成謝賞。棲隱邁軸。翼翼家風。矧矧似續。敬述先德。允惟家督。式瞻圖像。威儀攸肅。友于誼肫。後嗣蒙福。

書二景先生傳後

道光江蘇巡撫 陳 鑾 江夏人

二景先生。生同胞。葬同穴。立身行己。同心同德。仕則同官。壽亦略同。拜觀遺像。鬚眉顏色。粹然盛德之容。亦無弗同者。可謂奇矣。成周八士。見于極盛之世。至春秋時。聖人猶思之。先生之聯珠合璧。無愧昔賢。我

國家雅化作人。賢才之多。亦可想見。况先生復有令子。胚胎前光。為聞人。為循吏。以顯揚宏燾。他日傳之孺林。紀之譜牒。景星慶雲。不足以為瑞矣。

附詩

讀二景先生傳

道光兩江總督 林則徐 侯官人

伯仲有兩楷。午未分二卿。豈伊貴孿生。所難齊令名。黔中山水秀。

興義府志

卷六十二

孝友傳

十

賈陽文通書局代印

郊藪遊麒麟。我見雲臺族。篤此雙孿生。成均聯鸞鷲。禦侮飛鵲鴿。屏風設兩座。錦玉尤天成。老去不異穹。攜手芙蓉城。允矣賁雙誥。後起多崢嶸。崑玉一以貴。合璧矧瓊瑛。無獨而有偶。諒哉難弟兄。今我展遺像。異瑞開華平。

讀二景先生傳

道光松江知府 沈兆澐 浙江人

漫談星命詡虛中。難得文章道德同。何氏園林山大小。陸家經史屋西東。育才分秉適人鐸。禦寇齊推壯士風。如此弟兄真競爽。從來達适冠南宮。

翹首天南聚德星。堂前荆樹一株馨。聯牀風雨春秋夜。兩地看雲錦玉屏。上壽享來真備福。清芬貽處只窮經。于今式穀推循吏。為展遺圖仰典型。

讀二景先生傳

道光兩淮
鹽運使 但明倫 廣順人

孿生何足奇。奇在同其面。心同蹟復同。斯奇尤僅見。吾黔山磅礴元精中貫弗。龍山更聳秀。育爲英俊彥。二公得其尤。玉琢金精鍊。憶我垂髫時。烽火警夷變。兵氣化櫓槍。軍書馳羽箭。山城累卵危。妖氛炎焰扇。一百八十日。轟掣驚雷電。聞有二高人。賑貧兼募練。所恃在人和。濱危乃安奠。大帥獎宏猷。書生辭鸚薦。重我珠與璧。未肯輕自衛。平生重敦行。耕食筆與硯。餼廩可同食。蓐盤可同纂。木鐸可同振。土穴可同戀。錦玉兩屏山。吉光分一片。幸連苔岑誼。更託葭莩眷。奕葉挺雙枝。心香畱一卷。敢以下里言。補入高士傳。讀二景先生傳

魏茂林

聖代鍾人瑞。菁英萃一門。玉山禾合穎。瑤島樹同根。宦蹟雙屏著。

興義府志

卷六十二

孝友傳

十一

賈陽文通書局代印

兵謀對榻論。名山共千古。易世大孺尊。

景仰

景仰字維德。興義府人。性至孝。自傷家貧。無以爲養。棄儒而服賈。輒獲贏以事其親。嘉慶初喪父。葬畢。廬墓次。適有苗警。積尸滿野。豺虎食人。人或勸去之。弗顧也。居五日。必歸省母。賊圍城。六月不解。恒縋以上。一日。逆苗以火鎗擊之。鉛子近頂而飛去。人咸異之。兄弟四人。皆相友愛。季曰儒。仰尤愛之。常涕泣以勉之學。卒成名。紹其父業。有滇賈遺金於道。仰拾而還之。弗受謝。亂後。施棺百。年六十二卒。子樂春。茂春。茂春貢生。孫其全。舉人。

附文

景維德傳

道光進士 張士蘭

君諱仰。字維德。興義府人。歲貢生。祇承公之仲子。性純孝。多義行。端嚴正大。有厥父道學風。甫成童。見父舌耕而貧。卽不忍父勞。遂棄儒學賈。謀甘旨奉菽水承歡。藹如也。嘉慶丁巳。苗變。父卒。君廬墓。人或以積尸徧野。豺虎食人。相勸止。君弗顧也。居五日。必歸省母。時苗圍城。必縋而入城。後以火鎗擊君。鎗子將及君頂而飛去。弗傷君。時人以爲孝感。君兄弟四。相友愛。君勉季弟儒力學。稍怠。卽述父家學苦學以爲訓。容色戚然。聲與淚俱。儒卒成名。君賈時有滇客遺金。君還之。客分金謝。君辭。復念兵燹後。暴骨多。施槥百。君尤精醫術。道光甲申。滇南鹽道林志仁。道過郡。病瘴。君治之。病良已。謝以金。君辭。志仁贈以聯云。功參造化陰陽外。春在先生杖履中。非虛譽也。君持身正大。不苟笑嘖。能安義命。卓然不爲世俗感。尤不喜佛老。與人接。誠信不欺。並坐無惰容。鄉黨宗族莫不望而敬畏。居恒訥訥然。如不出口。至爲人排解時。則正言讜論。無不說服。君居之鄰左。屋災五。火近君居。輒息。人咸異之。享年六十二。卒。從子壽春。誌其墓云。遇變而不忍遺親。孝也。繼志而成。乃弟友也。周貧乏。息紛爭。然諾不苟。是仁人也。義人也。信人也。蓋紀實也。子二。長樂春。次茂春。歲貢生。孫其全。丙午舉人。士蘭慕君德。敬述君行而爲之傳。

劉思聰

劉思聰。字聞之。興義府人。父青萬。從李萃中起義。爲苗所殺。思聰與弟思矩。逸出。詣官請自効。殺賊。旋擒得殺青萬之苗。斬以祭青萬。軍士壯之。郡人稱孝焉。思聰以能文。補弟子員。文弱書生。激於孝思。而

其壯如此。人莫不歎爲有神助。年八十四卒。弟思矩。子本。初心。初。鎮初。皆貢生。

陳啓麟

陳啓麟。字玉書。興義府之下札寨人。武生。性孝友。通兵法。苗變。其父母親族四十四人。皆遇害。免者七人。啓麟痛憤。與子坤山。募義勇。得千人。營于硬溪孔。以擊賊。已而從者多至三千餘人。乃分爲兩營。一營硬溪孔。一營尖山。麓之郎打寨。自簡精銳。扼興隆山。爲犄角勢。自正月至六月。與賊五十五戰。時府城被圍久。啓麟率兵轉戰。至于城下者三。生擒賊目二十五。賊黨一百八十七。陣斬賊目十有五。賊黨四十有九。獲鳥機礮三。械千。得殺父母賊。手刃祭墓。旋大兵至。圖四鄉險隘。進之大帥。大帥令從翼長常明軍。啓麟招降東北二鄉。一百四十餘寨。督造馬別河橋。濟師。又焚洞灑。當丈。擒七絡鬚之妻賀氏。及姪韋成明。又擒僞軍師桑洪昇。及段士明之家屬。二十二人。又招降狃苗一千二百餘人。又進攻北鄉洪囂寨。擒逆首大王公之子王豹。姪王阿二。僞駙馬韋正容。僞欽差韋六保。韋光仙。韋阿二等。殺賊千餘人。又自新城馬。乃進攻賊于花江。造舟以濟師。敘功。錫五品冠服。及花翎。子坤山。錫六品冠服。事平。啓麟授上江外委。尋又從征四川梁山賊。敘功。升貴陽把總。旋調永安。傷發。乞休歸。辭半俸。種竹栽花。優游林下。課子撫孫。年八十餘卒。

陳大福

陳大福。字祝先。興義府人。生員。少孤。事母余氏。以孝聞。方五六歲。與

母語。無少謾訑。母愛其誠。愨溫清侍膳。無違左右。及入學。授室後。率妻盡孝。至愛不減於童孺。而禮敬日加。乾隆中爲母請

旌。五十四年。知府程正坤表其門。嘉慶元年。當事將以應孝廉方正之舉。辭。師友勸之行。大福曰。古人一日養。不以三公易。詎以孝廉方正易乎。勸者乃止。後以壽終。

張夔

張夔。興義縣人。生員。少孤。事母以孝著。苗變。負母而逃。匿於古廟。知不可免。母使之去。曰。我老不死於賊。亦當死矣。汝急去。以存宗祀。可也。夔不忍離。遂俱遇害。

王崇仁

弟興仁附

王崇仁。貞豐州人。生員。其異母弟曰興仁。相友愛。父母卒。興仁讓產

興義府志

卷六十二

孝友傳

十四

貴陽文通書局代印

於崇仁。而出遊學。崇仁悉受之。興仁遊十餘載。歸。學大進。而不利於試。其二子學成。隸州學籍。崇仁乃還其田宅。並累歲之入。曰。向恐以家計累弟心。故直受之也。今弟學成。而二子皆列膠庠。吾亦漸衰矣。故仍歸之弟。勿復以累吾也。興仁乃復受之。崇仁有子二。亦隸學籍。孫績康。舉人。貞豐之有舉人。自績康始。

江同璧

江同璧。字玉山。貞豐州人。性謹篤。有異母兄曰同升。事之恭。兄卒。事嫂撫姪。恩敬備至。已而分貲。同璧自取甚薄。又精醫術。治無不效。貧者更予之藥。人僉曰。醫仁術也。江翁更以仁心行之。江氏其必振矣。年逾八旬。子二。長雲龍。道光元年。舉孝廉方正。次見龍。生員。

景鴻春

景鴻春。字漸磐。興義府人。監生。嘉慶初有苗警。負其母逃之粵西。事平。還里。有昆弟女。年將適人。弗能治嫁具。鴻春爲資送之。母卒。盡哀。弟弱而孤。爲之完娶。里人則之。

顏錦章

顏錦章。興義縣人。生員。事母孝。刻不離左右。家貧。奉母必有甘旨。母年九十餘。方卒。居喪盡禮。

劉光泰

劉光泰。字志義。興義縣人。少孤。事母孝。母年七十餘而病。光泰侍湯藥。晝夜無間者數年。母卒。居喪如禮。鄰有匱乏。歲有饑歉。恒出貲以賑卹之。建橋修路之事。光泰必與。邑人稱之。

許鶴齡

興義府志

卷六十二

孝友傳

十五

貴陽文通書局代印

許鶴齡。興義縣人。事母孝。母年逾七十而病足。足腫潰。鶴齡日以藥敷洗。夜候起居。未嘗解帶者數年。母有命。無不從。兄已分貲而貧。鶴齡資助。經營。兄子婚嫁事。不少怠。又好爲鄉黨解紛。人以此敬之。

周世榮

周世榮。安南人。事父孝。幼以能文隸學。屢居優等。以詩賦表判拔貢。國子學。應順天鄉試。以薦卷。挑取書館。謄錄。或告以其父念之。卽日歸。居久之。父卒。哀毀盡禮。其弱冠時。爲塾師。訓蒙。又有拒奔女之事。

李長林

弟長茂附

李長林。貞豐州人。與弟長茂。年皆八十餘。皆善事父母。自幼至老。不異爨。道光十二年。按察使李公表其門曰。孝友。

楊學海

楊學海。貞豐州人。目不識書。而孝友性成。母早卒。事父先意承志。甘旨罔缺。父或訶責。必長跪受之。怒已。令之起。方起。兄弟同居。久之。弟求異居。田宅任弟自擇。已異居。積有貲產。弟所欲。卽與之。了無難色。按志例。生存不立傳。惟孝友與節婦。不泥此例。立傳兼及生存。